



UNIVERSITÄTS-  
BIBLIOTHEK  
PADERBORN

# **Institutiones Canonicae Sive Ius Ecclesiasticum**

**Wiestner, Jacob**

**Monachii, 1705**

Art. I. De Immunitate Locali.

---

[urn:nbn:de:hbz:466:1-62668](https://nbn-resolving.org/urn:nbn:de:hbz:466:1-62668)

paratione ante omnia observanda sunt pacta & conventiones, & his cessantibus statuta vel consuetudines dioecese: vi quorum Jurium particularium alicujus in aliquibus Germaniæ nostræ dioecesebus Parochi & alii beneficiati quot annis Pa-

rochialium & aliorum reddituum beneficialium portionem aliquam vel certam pecuniæ summam v.g. decem florenos in ædium Parochialium Reparationem impendere, vel, cum necessitas exigit, impendendam pendere debent.



# TITVLVS XLIX.

## De Immunitate Ecclesiarum, Coemiterii & Rerum, ad eas pertinentium.

**U**T Ecclesiæ ad cultum Dei & Divinorum frequentationem suâ dignitate Fideles invitarent, non tantum ad formam & splendorem Dei domui convenientem extrui & reduci semper consueverunt: sed insuper munitæ sunt privilegiis geminæ Immunitatis: Localis, quæ ipsarum venerationem: & Realis, quæ rerum ad eas & personas Ecclesiasticas pertinentium tuitionem spectat.

### ARTICULUS I. De Immunitate Locali.

#### SUMMARIUM.

1. Immunitatis definitio ac divisio.
2. Localis in duobus privilegiis consistit.
3. Primum ab Ecclesiis excluduntur I. Jura Secularia,
4. Ecclesiastica permittit.
5. II. Contractus & negotiationes, præsertim nundinarum.

6. III. Concilia seu conventus Seculares.
7. IV. Ludi, choreæ, musicæ & c. profane.
8. V. Rerum prophanarum deposita.
9. VI. Hospitiis & similia onera.
10. Altero ad Ecclesiam confugientes protegentur.

**I**mmunitas in genere est Exemptio siue libertas à munere vel onere communi, l. i. ff. de Jure immunit. In specie autem Immunitas Ecclesiastica est Jus, quò Loca, Res vel Personæ Ecclesiasticæ à communi onere siue obligatione liberæ sunt & exemptæ, Panormit. in Rubric. Sylvester V. Immunitas 1. pr. & Covarruvias Lib. 2. var. cap. 20. pr. Res, inquam, Loca vel Personæ in numero plurali; quia particularis alicujus rei, loci vel personæ Ecclesiasticæ privilegium, vel specialis exemptio Ecclesiasticæ immunitatis nomen non meretur: sed sola exemptio, quæ convenit toti statui vel generaliter omnibus ejusmodi Locis, Rebus vel Personis, ut cum Panormit. in c. Novit 49.

Y Y Y Y Y



verit 49. de Sent. excom. n. 2. & aliis notat Laiman Lib. 4. Tract. 9. cap. 5. n. 1.

Est autem ea Immunitas triplex. Personalis, quâ Clerici & alia personæ Ecclesiasticæ gaudent. Localis, quæ Ecclesiis cæterisque Sacris & Religiosis locis: Realis, quæ rebus, ad ejusmodi loca & personas pertinentibus, est concessa: quarum primæ explicatione dedimus Lib. 2. Tit. 2. à n. 108. Posteriores ad hanc Rubricâ sunt declarandæ.

Localis complectitur duo privilegia. Primum est, quòd ob singularem reverentiam loci ad cultum Dei & Sanctorum venerationem per consecrationem vel benedictionem deputati, exerceri in Ecclesia prohibeantur non solum homicidia & alii actus peccaminosi: sed etiam prophani & merè seculares:

Et primò quidem Judicia Secularia, tam Civilia quàm Criminalia, c. 1. 6. Cum Ecclesia 5. & præsertim c. Decet 2. in 6. cujus pr. Gregorius X. Omnis, inquit, in Ecclesiis secularium judiciorum strepitus conquiescat, nulla ibi causa per laicos, criminalis maximè agitur: sunt loca eadem à secularibus cognitionibus aliena. Quæ, ut ab ipsis efficacius excluderentur, instituti in ipsis processus & lata sententiæ ipsò Jure irritantur, c. Decet cit. §. fin. & Judicia Criminalia in iis exercere præsumentes anathematis sive excommunicationis comminatione abstinere jubentur, c. Cum Ecclesia cit. Ratio est; quia Ecclesia est locus à seculari jurisdictione exemptus; adeoque in ipsius territorio quidem, at non de territorio esse, dicuntur à Castro in l. Si quis in hoc 10. C. de Episc. & cleric. & alii apud Tuschum Practic. V. Ecclesia, conclus. 5. à n. 10. arg. l. Nullus 2. in fine C. de Summa Trinit. ubi Imp. Episcopis Orthodoxis omnes Ecclesias Catholicas totius orbis restituit; quia locus ab aliquis jurisdictione exemptus, extra ter-

ritorium ejus sito acquiritur: in loco autem à sua jurisdictione exempto & extra territorium sito sive in eo, qui de territorio non est, jus dicenti, quòd jus non dicenti, impune non pareat, c. fin. de Constitut. in 6. & l. fin. ff. de Jurisdi. omni. judic. Judicia, inquam, & Secularia. Prius; quia prohibitum in Ecclesiis non est exercitium jurisdictionis Voluntariæ, v.g. dispensatio, electio, presentatio; etiam secularis, ut & manumissio, l. 1. C. de His, qui in Eccl. manumitt. collatio Doctoratus, etiam scientiæ prophanæ & autoritate Regiæ facta, Suarez Tom. 1. de Relig. Tract. 2. lib. 3. cap. 4. n. 13. & 15. Posterius; quia etiam Judicia & exercitium jurisdictionis Contentiosæ Ecclesiasticæ, licet ex consuetudine fieri soleant extra Ecclesias, præstatò tamen communi Jure scriptò in ipsis exerceri validè & licite possit, cum Glossa in c. Decet cit. V. Secularium & Panor. in c. Cum Ecclesia cit. n. 4. doct. Anop. 2. Instit. lib. 5. cap. 9. §. 1. & colligatur ex can. fin. 2. §. 2. Ratio est partim quia Ecclesia est locus Ecclesiasticæ jurisdictioni subiectus; ac proinde, sicut in loco & territorio suo proprio quilibet alius, sic ipse jus dicere in Ecclesia potest præsertim; cum id nullò Jure prohibitum reperiatur: partim; quia Judicia Ecclesiastica ferè cum minori strepitu, quàm Secularia exerceri solent & citius expeditur. Cui non obstat; quòd hujusmodi etiam Judicia exerceri nequeant tempore facti, v.g. die Dominicâ, c. 1. §. fin. de Ferris quia tali tempore ea prohibendi specialis ratio fuit; ne populum Christianum & ipsos etiam clericos actus forentes abstrahant à Divinis Officiis: quibus celebrandis tempus illud specialiter deputatur, Suarez cit. Lib. 3. cap. 4. n. 11.

Secundò in Ecclesiis prohibentur Contractus & Negotiationes, præsertim cum



tim nundinarum, *e. Decet cit.* In cœmiterio tamen vel ipsius Ecclesiæ aditu Jure non prohibita: usu etiam permittuntur venditiones cereorum & similiarum rerum servientium fidelium devotioni: dummodo ea fiant sine strepitu & contentione de pretio cum Divinorum Officiorum & fidelium ipsis præsentium perturbatione, Suarez de Eucharist. *diff. 81. f. 7. V. Secundò & Palao Tract. 11. diff. unica, p. 4. n. 3.*

6. Tertiò universitatum & societatum quarumlibet Concilia, Conciones, Parliamentum publica, *e. Decet cit.* intellige cum Joan. Andr. *ibi n. 7.* quibus res & negotia merè prophana & Politica pertractantur; quia Synodi & Concilia Ecclesiastica, aliique tractatus de rebus ad Religionem, Pietatem, statum clericorum morumque reformationem pertineant in Ecclesiis institui non prohibentur, Navarrus de Orat. & Horis Canon. *cap. 5. n. 32. & 37. & cit. Suarez cap. 4. n. 16. & cap. 6. n. 5.* Prophani etiam ejusmodi conventus & tractatus, etsi illiciti, Jure tamen irritati non sunt, Glossa in *c. cit. v. Personæ & Panormit. in c. Cum Ecclesia cit. n. 6. & 7.*

7. Quartò Ludi theatrales, monstra larvarum, & histrionum gestulationes: choreæ, cantus & musicæ omnes, quibus aliquid lascivum, impurum aut leve admittitur: seculares actiones, confabulationes, vanæque & prophana colloquia, multoq; magis deambulationes, strepitus, & clamores, *can. 1. diff. 92. c. Cum ad decorem 12. de Vita & honest. & Trident. Sess. 22. decreto de Observand. in Missa, V. In Ecclesiis.* Honesta tamen & ad devotionem comparata spectacula & piæ representationes in Ecclesiis fieri permittuntur, *can. Semel Christus 50. diff. 2. de Consec. Barbosa Juris Ecclesiast. Lib. 2. cap. 3. à n. 15.*

8. Quintò suppellectilia & aliæ res pro-

phana, tam clericorum quàm laicorum, in Ecclesiis deponi, iisque recipi prohibentur: nisi id exigat incurfus hostilis, incendii subitò exorti vel similis necessitatis alii casus, *e. fin. de Custod. Eucharist. ubi Barbosa n. 2. & cit. cap. 3. n. 25.*

9. Sextò Ecclesiæ, uti & Monasteria eorumque & clericorum domus immunes sunt ab onere hospitandi; ut in ipsis domini seculares, eorum legati, comites, ministri, famuli, milites, hospitium sibi vindicare etiam prætextu consuetudinis non possint, ex decreto Joannis IX. in Synodo Ravennat. *can. 11. c. 1. hâc Rubr. relato, & privilegio à Constantino M. Clericis indulto l. r. c. de Episc. & Cleric. Ratio hujus est; quia Ecclesia & Ecclesiastici, tam quoad personas quàm quoad bona & res suas, à potestate seculari & oneribus, quæ ab ea etiam pro communi Reipublicæ bono imponuntur, utroque Jure eximuntur, ut infra à n. 187. ostenditur, Panormit. in *c. 1. cit. à n. 3. Azor p. 2. Instit. lib. 9. cap. 9. q. 8. & Pirthing ad hanc Rubr. à n. 9.* excipientes Patronum vel alium benefactorem, qui in fundationis aut beneficii recognitionem locò census hospitii jus cum Episcopi consensu sibi reservavit, *arg. can. Eleutherius, 18. q. 2.**

10. Alterum Localis Immunitatis privilegium consistit in Jure Asylis, Ecclesiis cæterisque Sacris & Religiosis locis competente & ad hanc Rubricam accuratius explicando.

## ARTICULUS II. De Asylis Sacri Origine & Sanctitate.

### SUMMARIUM.

- 11. Etymon & natura Asyli:
- 12. Quod consugio Templo & Ara Genusium,

13. Regum